

說庫

第四十九冊

嘯亭雜錄



嘯亭雜錄卷之五

清 沈修主人著

緬甸歸誠本末

緬夷古朱波地。自古不通中國。宋寧宗時。史志始有其名。元世祖遣兵三征之。責其貢賦而還。明初設宣慰司。聊以羈縻。間亦嘗修貢賦而還。其事詳正史。其時緬地不過數千里。附近之提涼猛養猛拱猛密司蠻暮木邦落卓來卡猛迺擁會金坎母得馬大山宋賽錫箔猛樟猛素孟良整欠整賣諸大土司。尚非所有。及莽體瑞之子莽應裡漸強盛。明所設三宣六慰。大抵皆服屬於緬。本朝順治十五年。大兵破貴州。明主由榔奔緬甸。時定西將軍愛星阿吳三桂等。於十八年十一月入緬師至木邦。白文選降於茶山。康熙元年。緬酋自相篡弑。殺明宗室及黔國公沐天波等數百人。將軍等索明主。緬人不與。師至阿瓦。緬人懼。遂獻明主。師歸。緬人遂不通朝貢。其世次亦不可考。至雍正九年。緬酋與整邁搆兵。緬目蠻古叮。在九龍江。遇守備燕鳴春。有告知國王明。年進貢之語。鄂文端公以聞。得旨。宜聽其自然。不必有意設法誘致。乾隆十一年。開茂隆殿。雲南永昌順寧徼外有猝獵。其地北接耿馬土司界。西接

木邦界。南接生犢狽界。東接孟艮土司界。地方二千餘里。其長曰蚌篋。自號葫蘆王。不知其所自始。有世傳鐵印。緬文曰法龍湫諸木隆華。言大小箐之長也。所居木城草房。戴金葉帽似盔。穿花衣。俱跣足。夷民山居穴處。以布纏頭。敝衣短褲。刀耕火種。軍器惟刀鏢弓弩。又有夷目蚌坎。幸猛莽恩莽悶。俱係蚌筑弟兄叔姪。分掌地方。亦不屬於緬酋。況耿馬土司罕世屏代稟稱願歸順境內。茂隆厥自前明開採時甚旺。厥民吳尚賢等議給山水租銀。不敢受。請照內地厥例。抽課報稅。以作貢物。總督張允隨奏言。葫蘆乃係化外野夷。輸誠內附。請將此項厥課飭令減半抽收。一半賞給該首長。以慰遠人之心。得旨允行。十三年。鎮康土司刀悶鼎報。緬夷願通職貢。不許。十四年二月。茂隆厥吳尚賢入緬甸。先是迤西道承差賈興儒奉差往茂隆厥訪緝厥犯鄒啟周。張寬果等。茂隆厥委吳尚賢於十二月丙戌派帶練兵一百餘人分起前往訪緝。壬辰。吳尚賢帶練兵八百餘人。賈興儒隨同自厥起身。癸卯至幹猛。十五年正月朔日乙巳。厥練已擒鄒張二犯至幹猛。押解回厥。吳尚賢帶練兵一千二百餘人。前赴緬甸。時上年緬人所遣土目五人。請進貢者。尚在鎮康。吳尚賢要令前導。丁未自幹猛起程。庚戌至木邦。木邦令頭目猛占等八十餘人從之。丁巳至錫箔。

庚子至宋賽。吳尚賢等於所過土司地方。皆有餽遺。遂致書於貴家。貴家者。隨明主入緬之官族。其子孫淪於緬。自署曰貴家。據波龍廠採銀。貴家頭目宮裡雁素與緬甸有隙。因率兵阻之。吳尚賢至麻里腳洪。又遣人致書講和。貴家羈其來使。吳尚賢遂會緬兵三千餘人至德嶺城。與貴家數挑戰。三月庚戌。貴家出迎敵。詐敗。吳尚賢前赴之。為貴家所敗。緬甸復遣人和解之。吳尚賢渡麻里腳洪回。廠賈興儒於五月癸丑。帶張寬果回大理。尚賢意欲邀功。因謀說緬酋莽達拉。遣使入貢。莽亦荒淫無道。衆叛親離。遂從其言。具表來降。十五年七月。葫蘆茂隆廠課長吳尚賢稟稱。緬甸國王莽達拉情願稱臣納貢。永作外藩。命工匠製造金銀二鉢。篆刻表文。又造貼金寶塔。裝載黃亭毡綵緬布土物。各色馴象八隻入貢。又貢皇太后馴象二隻。毡綵緬布等物。差彼國大臣一員。頭目四人。象奴夷衆數十人。出境過江。於四月已抵邊界。請代奏。督撫令司道會議。布政使宮爾勸會。按察使糧鹽迤東迤西四道議。以前鎮康土州刀悶鼎稟報。緬酋請通貢已不許。今稟內絕不言及。且明置緬甸宣慰司。表內未稱宣慰舊銜。又有蟻穴自封夜郎天外之言。更不敍明使臣銜名。吳尚賢前稟與今稟又復互異。至木邦乃緬甸所轄。中外攸分。准木邦投誠。木邦即緬甸之叛。

遂必至大起釁端亦有妨於國體。吳尚賢初到厥地恃強凌弱。今率緬甸來歸實有
邀功之意。且外國歸誠亦斷無借一厥民為媒進將來緬甸設有寇警必另求援兵。
不應則失統御之體。應之則苦師旅之煩。恐鞭長莫及。反難善處。况前明頗通賦貢。
受侵擾者數十年。我朝久置包荒。獲寧謐者百餘載。邊境之敉寧原不關乎遠人
之賓服。其不可信及不可行者各四。而巡撫圖爾炳阿竟據稟詞並表文入告。表文
曰。緬甸國王莽達拉謹奏。盛朝統御中外。九服承流如日月經躔。陽春煦物無有
遠近。羣樂甄陶。至我皇上德隆三極道總百王。洋溢聲名。萬邦率服。緬甸近在邊
徼。河清海晏。物阜民和。知中國之有聖人臣等願充外藩。備物致貢。祈准起程。由
滇赴京。仰觀天顏。欽聆諭旨。云云。十六年六月。得旨准貢。凡筵宴賞賚。一應
接待事宜。俱照各國王貢使之例。以示綏懷。因遣官伴使赴京入貢。至十月。貢使回
滇。尋逮吳尚賢。尚賢本無籍馬腳。於茂隆山開礮。督臣張允隨僉委充當課長。積私
財捐通判職銜。於厥地製造鎗刀弓弩。張黃蓋以自豪。年來侵酋長賞銀三萬二千
餘兩。前誣鄒啟周搶掠外域致死。後令楊公四等於厥外地鎗斃客民彭錫爵。經屍
弟彭錫祿控告。是歲。充通事隨緬使入貢。於途挾重貨招搖生事。總督愛必達奏請

革職於十六年九月。擊審擬大辟。旨未下。瘐死於獄。十七年三月。敏家攻阿瓦。破其城。上年十一月。緬國貢使回抵耿馬。即聞滾弄江外有警。十二月。耿馬土司罕國楷遣人伴送緬使至木邦。先是六月內。緬酋遣子糯喇他蠻左同弟色亢瑞凍至猛迺城迎貢使未至。是年三月。敏家破阿瓦城。以率敏拖五八喇扎居之。緬酋避居約提即戛撒壩等處。居無定所。其子糯喇他蠻左亦避居錫箔。四月。緬使抵猛迺。搭建亭閣。貯勅旨。御賜欲俟其國平定始旋。十八年九月丙寅。木梳頭人甕藉牙與貴家戰勝之。乃令貴家及約提即之兵共五千人圍敏家。又景賣卡普幹官之子占朵蠻。率眾至猛迺。亦欲據緬。十九年正月。緬使及緬酋子。遣人齎蒲葉書至耿馬。未及回國。緬酋莽達拉。即為得楞錫箔所殺。子色亢瑞凍出奔。緬國無主。甕藉牙起兵。聲言復仇。糾合緬屬各土目。擊敗得楞諸夷。遂自立於木梳城。尋徙阿瓦。凡緬國舊屬土司。皆遣人降服之。有不服者。輒治兵攻擊無虛日。貴家據波龍廠採銀。向有歲幣。至是不復輸。甕藉牙擊潰之。追至猛迺。獲所貯。勅書。御賜。遣人四出求緬酋子色亢瑞凍。避入木邦。甕藉牙追之。二十年六月。耿馬孟定等土司。以木邦警聞。十月辛亥。色亢瑞凍挈妻喇打那疊玉。及親屬頭目男婦等八十餘人。緬僧二人。渡江。

入猛卯。總督愛必達巡撫郭一裕會檄猛卯土司衙門。遣之使去。越二日。始出境。甕籍牙猶遣人在木邦城徵象隻索童女。木邦土可罕蟠底乃置色亢瑞凍於滾弄江內。二十一年二月。復遷至蠻弄寨建草樓數楹。夷衆挈盒餽饔飧焉。益逼近内地之耿馬鎮。康督撫會檄防禦甚嚴。六月壬辰。景賈屬之猛放。緬目波顛遣老緬四人來迎。色亢瑞凍遂挈家由白沙水渡滾弄江而南。波顛率眾五十餘人。迎赴猛放。猛放至木邦。計三十餘程。此後遂莫知其蹤。二十三年二月。緬酋甕籍牙攻陷木邦。木邦在耿馬外。為耿馬孟定鎮康孟連之藩籬。落卓土司地大而強。甕籍牙據有阿瓦。落卓首先歸附。於是甕籍牙寇劫波龍厥。遂威脅木邦。索其賄。貴家宮裡雁與結些國人。糾約厥眾至木梳鋪劫殺兵始退。時緬酋莽達喇之族弟占朵莽者。先分居景邁。宮裡雁遙附應之。十二月。宮裡雁謀攻落卓。會占朵莽及木邦土官之弟罕黑。至落卓。刦殺落卓大敗。復引緬酋甕籍牙及各土酋之兵。謀攻貴家及木邦。以泄其忿。二十四年三月。落卓先鋒兵六千餘人至腊戍。是時占朵莽率猛交兵一千人駐猛迺。乘著早兵練遠出。間道已赴落卓。木邦土司罕蟠底聞緬甸落卓兵至。乃屯發練堵禦。遂遷其家屬於大橋邦囊翼日。與宮裡雁出白小坡與落卓決戰。越二日。木邦城

陷罕蠻底奔蠻戛。家屬渡滾弄江至那離。又遷於錫城。緬兵入踞木邦。人民逃竄。波龍厥衆多歸於內地。沿邊土司撥練防守。宮裡雁率兵練男婦二千餘人渡滾弄江奔蠻東蠻弄。勢甚窮蹙。又由白沙水駐南淜欲假道孟艮取馬。往狩獵求占朵蠻所在。會兵復戰而占朵蠻已襲破落卓。率兵練還救木邦。木邦復定。罕蠻底宮裡雁復渡江回永昌鎮府聞報率兵二百名於四月辛酉出禦行抵姚關。旋即撤回。二十五年。緬酋甕藉牙死。其子莽紀覺嗣。與各部構兵如故。二十七年正月。宮裡雁被緬酋追殺甚急。由猛榜奔至耿馬。又由孟定之邦模南板入莽旦。窮蹙無歸。五月丁酉至猛戛。並至孟連之猛尹。散處各村寨。初。宮裡雁自阿瓦奔出。帶練一千三百人至木邦。撥給占朵莽五百人。實止帶練八百人。又脇從阿瓦緬子。木邦羅夷及擄掠男婦共三千餘人。既抵猛尹。猛尹頭目率衆驅之宮裡雁乞內附。寄住孟連地方。孟連土司刀派春遂赴猛尹收其兵器。戶索銀三兩。將其眾安插於猛尹各圈寨。宮裡雁不欲受土司管轄。已相嗟怨。總督吳達善知其有七寶鞍。乃亡明至寶。太監王坤由北京內庫竊去者。向其索取。宮裡雁以其祖宗所傳重物。慘不與。吳遂挈其妾婢六人赴石牛廠。刀派春率官裡雁之妻擄占及男婦一千餘人至孟連城。刀派春又向

據占及頭目撒拉朵。索牛馬童女以賄吳達善。據占忿。於閏五月丁丑夜。糾衆焚殺孟連城刀派春家屬三十餘人。俱被害。逃免者僅應襲刀派先及刀派春妾二人。戊寅。據占撒拉朵率衆逃散。至猛養犛狃各處。刀派春族兄刀派英聞變。率練追剿。而猛養犛狃兩處夷衆亦各要路劫殺。據占大敗。逃竄無踪。派英寄信石牛厥民龍得位王天和等。將宮裡雁好為歟留。宮裡雁實不知也。七月。永昌守楊重穀。檄耿馬土司罕國楷。帶練誘擒宮裡雁。並其妾婢六人。及另行拏獲之餘黨阿占阿九二人。囚解赴省。布政使姚永泰曰。孟連之變。雁不與知。况其夫妻不睦。雁是以避居兩地。今若留雁。可以為緬酋之忌憚。不可代敵戮仇也。按察使張坦麟審稱。宮裡雁雖堅供不知情。但勢窮來歸。先令妻屬詭計歸服。以致其劫掠罪有攸歸。且連年與緬酋據殺。既經拏獲。斷不可仍留夷地之害。應正法。吳達善以前鞍不與。故切齒於雁。遂左袒張議。適緬酋至木邦。聲言前往。整欠景線相戰。因遣頭目蟠散至孟連。索宮裡雁所脇從之緬人。刀派永悉將緬衆遣回。益知內地虛實。十月丁未。殺宮裡雁。以其妾婢分給功臣。吳達善既遂其志。乃檄緬人。諭以宮裡雁業經誅殺。宮裡雁之妻據占及兒目等。當即拏送。以靖餘孽。時據占已嫁莽首弟懵駿。故緬人以為有心羞指其

淫行。益加忿恨。會木邦罕黑勾結。遂滋擾內地之耿馬。耿馬雖屬內地。於緬亦有歲幣。緬目普拉布率兵來索。闖入孟定。執土司罕大興。兵及茂隆廠。時永順鎮田允中。調隣近各營官兵。親率進剿。吳達善恐其連兵致敗露其前事。乃飛檄田鎮責其輕率。遂還師。耿馬土司罕國楷率兵禦緬於石牛廠。廠委周德會。聞田允中進發。恃為屏障。率其厥練於滾弄江截緬人歸路。擊殺普拉布。吳達善以周德會為殺良冒功。竟置之於法。而緬人益輕中國。二十八年十一月。緬人犯猛籠。莽紀覺既兼并諸土司。東之景線整賣孟艮整欠。皆以力戰迫脇附從。復言普洱之十三版納。原隸緬甸。遣撫定縣寄緬文於車里宣慰司。索其貢獻。率賊衆至打樂隘口。猛遮撥練禦之。遂犯猛籠。刦掠村寨。猛籠不能禦。土弁刀乃占召倉等被害。普洱鎮劉德成領兵至思茅。遣兵前赴九龍江。吳達善飭調元江土練未至。次年春。緬賊始退。時復分兵至我遮放邊外。揚言來索木邦官。吳達善畏葸。惟戒官兵不與之戰而已。會莽紀覺病死。賊乃退。三十年。莽紀覺死。其弟懵駿嗣。時賊勢愈肆強橫。其西之結些。南之白古大姑拉。小姑拉。悉為其所據。是年賊犯普洱。普洱在省城之西南。幅員遼闊。與緬甸之孟艮。猛勇。整欠接壤。南通南掌。所屬有九龍江。車里宣慰司。及倚邦土守備六困土。

守備。猛遮土千總。普籐土千總。猛阿猛籠猛腊猛旺。整董猛烏。烏得土把總。大小十三土司。俗稱十三猛。又稱十三版納。其間九龍江猛遮。猛阿猛籠猛腊。並猛遮所屬之猛海。及九龍江所屬之橄欖壩。小猛崙。猛拏補角等處。均偏近外域。上年九月。匪首召播率衆一百三十餘人至九龍江要車里宣慰司前赴阿瓦會盟。時吳達善已調陝甘。總督為劉藻老儒也。不識事體。以王者須正疆理為言。命驅逐之。明年春。賊人飽颶始去。五月。賊衆復由整欠渡九龍江。至猛腊烏得猛烏。整董猛旺。各土弁率衆驅逐。賊踞猛腊猛崙。普洱鎮劉德成遣土目擒獲賊目叭信波半阿湜等。解審正法。是時緬酋雖恣肆。亦不敢抗官兵。實遣人於十三猛索賦。十三猛係雍正年招降。而亦輸賦於緬。叭信三人傳為在十三猛之貿易人。悉殲之。賊因憤而思逞。十月。緬賊復由整欠入猛崙。整欠頭目召教。其子召淵與車里宣慰司為一族。車里所轄之猛崙頭目召先。召教惡其不遜。遂糾緬賊攻之。孟良頭目召丙。召散。以同祖弟兄分掌其地。召丙逐召散。召散約頭目召猛照。同攻召丙。召丙逃入內地之鎮沅府。乞降。召散遂有孟良之地。後結緬賊追逐。召丙於是緬賊益出入九龍江一帶矣。十月。提督達啟由會城巡閱赴普洱。十一月。抵普城。即聞賊耗。普洱鎮劉德成率本鎮兵

八百名前往思茅一帶彈壓。提督移知總督，亦前往劉藻即移兵茨連。提督達啟亦進駐思茅。劉藻聞緬人入犯，先遣後營遊擊明浩齎銀三千兩備犒。復遣標兵八百人以備抵任。八日之參將何瓊詔及員弁三十八人率之前往援剿。時緬賊西由孟艮入打樂。至猛遮九龍江東由整欠至整哈渡。至橄欖壩。猛阿之整控渡亦復有賊達啟分兵四出堵禦。何瓊詔明浩及守備楊焜帶兵一百人前赴猛阿。何瓊詔等素無備。止於江干守備楊焜率四十人於子刻先濟整控渡。何瓊詔等從之。至午刻官兵悉渡。甫行數里而楊焜兵已覆。瓊詔兵猝遇賊各倉皇避匿。劉藻遂以何瓊詔陣亡入告。而何瓊詔及軍眾等後先由威遠所屬蒙撒江歸。劉藻復以上察其詐。切責督臣。命鞠瓊詔等三十一年總督劉藻自殺。劉自遣標兵後屢接提鎮啟稟。知賊勢已猖獗。欲躬往。按察使良卿復從臾之。止挈丞令陳元震唐思等數員。午夜猝發。於除夕抵普洱。進駐思茅。乃檄調各營兵數千。是時瓊詔等已失事。賊勢日熾。傳烽逼近思茅城。劉乃退於普洱府治。劉本懦弱。既已前奏失旨。時分調各路兵之檄。時發時止。人莫知所從。以致漫無經畫。會上以陝甘總督楊應琚調任。而降劉

為巡撫。劉益懼。無所措手足。因於三月癸酉中夜挑燈默坐。驅侍者出。自剗不殊。宛

轉於牀榻間。七日乃死。三月所調兵已集。楚姚鎮華封具報。以召丙為嚮導。率兵由猛遮克孟良。召散逃遁無踪。普洱鎮劉德成具報。以叭先拿為嚮導。率兵由橄欖壩至猛拿。副將孫爾桂具報。由車里至猛龍。會攻整欠克之。召教降。提督達啟。由猛龍攻猛勇。召齊降。時瘴癘大作。賊衆亦退。是月丙戌。總督楊應琚至普洱。是日以提聞。請賞給召丙。先拿三品指揮使職銜。管理土務。孟良整欠。各留兵八百名。猛散留兵二百名駐守。五月。提督達啟卒於軍。啟捍禦邊城頗有勞績。時在孟良受瘴癘卒。滇人思之。賓從無一存者。以李勲代。李至數月。亦受瘴卒。九月。猛龍沙人暨猛勇補哈猛撒等相繼內附。而總兵華封復招撫。景線整賣孟良小頭目等。詣軍門投誠。是年四月。楊應琚既綏定普洱。回省城以前巡撫常鈞有恭案事畢。即辦木匪之奏。爰飭調文武及習熟外域情形者。至省商辦。騰越副將趙宏榜。首陳木邦蠻暮各土司願內附。緬酋勢孤易取狀。騰越之西南為南甸。干崖蓋達三土司。是即所稱三宣者。為騰越之屏障。三宣之外為蠻暮。蠻暮之西為戛鳩。猛拱猛養。東為猛密波龍。自騰越關外。復有止丹弄種各山寨。野人族類甚繁。是時聞各土司樂於內附。又傳言。懵駁之母。勸其子臣服。時有機可乘。趙宏榜。楚人少為波龍厥丁。習緬事。野人頭目。

皆與之善。總督楊應琚初弗聽曰吾官至一品年逾七十復何求而以貪功閑邊釁乎。趙宏榜復從憲之。楊信其言。於是令道鎮府州官各議。西道陳作梅。永順鎮總兵烏爾登額。永昌知府陳大呂。皆議以賊勢甚大。邊釁不可開。騰越知州陳廷獻。則銳意進取。楊應琚怒阻議者。陳大呂懼。改初議。烏爾登額阻益力。書凡七上。楊滋不悅。而陳大呂。陳廷獻。革職。開化同知陳元震。即馳檄緬甸。號稱合各國精兵五十萬。大砲千尊。有大樹將軍統領。以震懾之。又密布牒。分遣通事。至各土司說降。初。楊應琚議檄調官兵八千人。至是祇調三千人。俟八月到永昌。蠻暮木邦降後。其附近各土司再相機辦理。六月。趙宏榜帶兵五百名。抵鐵壁關。陳元震遣人至蠻暮。時土司瑞團。赴阿瓦未歸。其母妻及弟坤商。以所屬五六十寨。三千餘戶請降。宏榜遂率二百人襲蠻暮之新街。一鼓克之。坤商率頭目於七月甲午赴永昌。途次為趙宏榜要至軍營。宏榜於關外撫止丹弄種六。醋喇痛邦領蚌林暮。習魯緬喇同草朵。習董各山寨野人。八月乙卯。陳元震以戛鳩允冒投降。頭目線蔑猛密。捧甕撒老安等男婦五人解報。陳廷獻報猛密土司亦欲乞降。遂關請永順鎮調集兵馬。欲領赴猛密。未行。而趙宏榜先於七月內赴新街。瑞團自緬甸回至。速帕請降。猛密所屬之猛連霸。

至帆檣啞接候忽蜂擁蟻屯者數千人登岸攻柵翌日賊勢益張都司劉天佑死之趙宏榜力戰相持者兩日一夜官兵被困不能禦趙宏榜收病傷各兵同軍械於草房內焚燒乃與馬拱垣等潰圍間道由野人寨退駐鐵壁關瑞團至鐵壁關趙宏榜安置於隴川其族屬人民遁出關外野人村寨時總督楊應琚方行次永平縣之太平鋪聞警報即遘疾乃加調官兵分剿十一月永北鎮朱嵩進攻楞木不克退守隴川是時東路永順鎮烏爾登額帶兵至宛頂欲進攻木邦西路永北鎮朱嵩帶兵駐鐵壁關欲進攻蠻暮以復新街雲南提督李時升於十一月甲戌自永昌起程辛巳至鐵壁關緬賊自新街至林岡固守我兵四千餘人亦於楞木山頭分佈七營壬午朱嵩出鐵壁關癸未至楞木緬賊請於次日會戰甲申卯刻賊約二萬眾喊叫前進我兵營柵踞山之巔向下施放鎗礮殺賊甚衆賊復緣箐盤繞向上仰攻我兵施放連環鎗礮殺賊數千而不退朱嵩見賊勢猖獗至丁亥相持者四日請援甚急提督李時升撥宛頂兵七百名赴援是日我兵出柵下攻賊佯敗山腰礮火起官兵受傷者二百餘人戊子賊張象皮擋牌自辰至午方放連環鎗擋牌忽撤已立營柵一座益逼近大營李時升告急於楊應琚不應己丑官兵堅壁不出庚寅賊詐為乞罷兵